

Visoki predstavnik imenuje novog šefa Ureda OHR-a u Mostaru

Visoki predstavnik, Paddy Ashdown, je imenovao ruskog diplomatu Anatolija Dmitrijevića Viktorova za šefa Regionalnog ureda OHR-a u Mostaru.

Gospodin Viktorov je zamijenio ambasadora Jacques Andrieua. Do ovog imenovanja, gospodin Viktorov je obavljao funkciju zamjenika šefa Regionalnog ureda OHR-a u Mostaru.

U svom pismu kojim imenuje gospodina Viktorova, visoki predstavnik je naglasio značajno iskustvo gospodina Viktorova u Bosni i Hercegovini i posvećenost u radu koju je pokazao prema građanima BiH.

Nakon što je, 1980. godine, diplomirao na Državnom institutu za međunarodne odnose u Moskvi, gdje je također bio i predavač, gospodin Viktorov je veći dio svoje karijere proveo kao diplomata. Njegova služba u ministarstvu vanjskih poslova je započela 1985. godine kada je bio prvi sekretar ambasade SSSR-a u Angoli. Također je radio u New Yorku kao viši savjetnik u Ruskoj misiji pri Ujedinjenim nacijama. Nakon toga, obavljao je funkcije šefa Jedinice za krizni menadžment pri Odjelu za međunarodne organizacije (2000.-2002.), te zamjenika šefa Odjela za međunarodne organizacije (2002.-2003.) pri Ministarstvu inostranih poslova Ruske Federacije.

Gospodin Viktorov je oženjen i ima dvoje djece.